

# Refúji Kaanun:

## ZORURI MAALUMAT:

### TPVs/SHEVs ÓRÉ UGGWÁ MUSTOKIL VIZAT BODOLI GORÍBÁR TOBDILI ÓKKOL

Federel Hókumot e Oktobor 19, 2023 tarík óttú lotí cúru gorí Rezolyúción óf Esthéthás Viza (**RoS viza**) at duiyán ahám tobdili elan goijjé. Eí maalumát or cíth buzáiyéddé::

- ZORURI tobdili ókkól; ar
- Dorhari addé maana kanuni modod kén gorí hásil gorá zaibo.

#### 1. Uggwá mustokil RoS viza faibélla honnwwá laayek hoóddé éce bodola ókkol ókkol

E hotá re fakka goríbélla kaanun tobdil gorá giyé dé ki hókumot é uggwá RoS viza hásil gorí dibár erada raké dé éndhilla foitték manúc ehón laayek. Íyan maní oiyédé nuwa kisím ór manúc ókkol ehón RoS vizalla dorhás gorí faribo yáto ítarar moujud asédé Toitta Hefázoti viza (**TPV**) /Mahafúz Faná Entharpráiz viza (**SHEV**) dorhás othumithík RoS viza dorhás ót tobdili ói zaibogói.

**Zoruri:** foitték ondhilla manúc zetará eí tobdili ókkol or age o RoS vizar laayek aiccíl ítará laayek táibo.

#### Ehón laayek oiyédé nuwa grúp ókkol hontará?

- Ondhilla manúc zetarátú Februari 14, 2023 taríkót TPV/SHEV aiccíl kintu nizer vizar miyad fúraibár age RoS vizallá dorhás noó goré ítará ehón ImmiAccount ór zoriya RoS vizallá dorhás gorí fariboo. Añra oñnoré dorhás gorí bellá modot gorí faijjum.
- Moujud asédé TPV/SHEV dorhás óla manúc ókkol (Februari 14, 2023 taríkór age goijjé éndhilla) dorhás íyán oré othumithík RoS viza dorhás ót tobdili gorí félaibo, zeñtté ítara TPV/SHEV ír corót ókkol loi ekbar mililé. Eí grúp ókkol ór manúc ókkol ólla RoS vizat tobdili othumithík ói zaibogói ar oñnottú honó karwai gorá noforiboó. Ze grúp ókkol or wore íin amól óibo:
  - Ondhilla manúc zetará nizer foilla TPV/SHEV ólla dorhás der zetarátú nizer héfazotor dabi náí kintu ítara nizer héfazotor dabi asédé éndhilla fémilí yuníth ór membór;
  - Ondhilla manúc zetarátú Februari 14, 2023 taríkót uggwá TPV/SHEV no aiccíl kintu íyár age uggwá TPV/SHEV aiccíl (zibá kensel gorá noóza); ar
  - Ondhilla manúc zetará uggwá TPV/SHEV ólla dorhás goijjé zibá mukammel gorá giye kintu honóttót uggwá TPV/SHEV noó fa.

#### 2. RoS viza dorhás goróiyá ókkol ór sinno goríbar sílsilat nuwa zorurot ókkol

RoS viza dorhás goróiyá ókkol ór sinno goríbar baabote nuwa zorurot ókkol cúru goríbélla kaanun tobdili oiyé.

#### Tobdili ókkol ki ki?

Dahélá mutallék Dhípaáthmén (**Dhípaáthmén**) ehón RoS viza dorhás goróiyá ókkol óré ítarár forisoi or baabote aró becí maalumát ókkol muháiyá gorí dibélla hoi faríbo. Dhípaáthmén é hoiyéde ítara éndhilla gorít fare zeçé:

- forisoi or maalumát sáfgori buzaibélla ar honó golot ókkol óre soyí goríbélla sailé; yáto
- Dorhás goróiyár forisoi or baabote dhípaáthmén óttu age zana no aiccíl dé éndhilla nuwa maalumát faa giyéde óilé yáto dhípaáthmén biccác goréde forisoi fakka gorí kaayem noó yo.

Zodi dhípaáthmén óttu forisoi or babote kaafí cinta asé, íyár badé uddá uggwá manúc RoS viza diya zaibo zodi ítara:

- RoS viza aséde éndhilla fémilí asé; yáto
- héfazoti viza faibár corót ókkól fura ór; yáto
- mojbur yáto hámdordir haálot ot asé.

Zodi dhípaáthmén óttu uggwá maicór forisoi or baabote aró becí maalumát zorurot óilé, tói ítara ré juwab dibélla uggwá mouka diya zaibo. Añra iñyánloi oñnoré modot gorí faijjúm.

#### Tobdili íin har wore amól óibo?

- RoS vizallá dorhás goréde tamaam maicór wore; ar
- Tamaam manúc zetarár TPV/SHEV dorhás othumithík RoS viza dorhás ót tobdili ói giyégoí.

Háñlaké, dhípaáthmén é hoyéde ki ítarattú forisoi or babote aró becí maalumát zorurot óibó dé siríf zeçé forisoi or babote maalumát oré wazé goríbélla dorhar faríbo.

Tobdili íin ehónor RoS viza olá ókkol or wore amól noibo.

#### Kaanuni modot kén gorí faa zaibo

Zodi oñne tobdili íin ór zoriya asór oiyode óilé kaanuni modot hásil gora zoruri. Victoria, Doín Australia ar Utter 10/23 Elakat, maana kaanuni modot ólla Refúji Kaanun oré zugazuk goró eçé:

- Refúji Kaanun TPV/SHEV Tobdili Hóthlain - Cómbar óttu-loti Cúkkurbar beéinna 9.00am óttu-loti ázinna 5.00pm (03) 9413 0133 át.
- E-méil: [Rosvisa@refugeelegal.org.au](mailto:Rosvisa@refugeelegal.org.au) | Wébsáith: [www.refugeelegal.org.au](http://www.refugeelegal.org.au)

Oinnó estheith ókkol ót maana kaanuni modot ólla: <https://immi.homeaffairs.gov.au/Visa-subsite/files/english-ros-factsheet.pdf>